



# Fréttabréf Naustaskóla

2. tölublað, 6. árgangur, 1. febrúar 2013

Abyrgðarmaður: Ágúst Jakobsson

Námsaðlögun • Athvarf • Umhyggja • Samvinna • Táp og fjör • Allir með!

## Skólalámsinn - könnun

Núna á næstu dögum mun foreldrum berast póstur þar sem beðið verður um þátttöku í könnun á vegum Skólalámsins. Þessi könnun verður árlegur viðburður og kemur í stað annarrar könnunar sem skólinn hefur lagt fyrir undanfarin ár. Við biðjum foreldra um að bregðast vel við og taka þátt en með því fáum við afar mikilvæga aðstoð við að leggja mat á starfið í skólanum og ákveða áherslur í þróun og umbótum fyrir næstu mánuði.

## Kæra skólasamfélag

Lífið gengur sinn vanagang í skólanum þessa dagana og að sjálfsgöðu alltaf nóg að gera. Nú í byrjun mánaðar eru smíðjuskil og nemendur færast milli verklegra greina, sumir fara í textílmenn, aðrir í heimilisfræði, smíðar, myndmennt, tónmennt eða leiklist og dans. Á næstu dögum fá nemendur matsmöppurnar með sér heim og við biðjum foreldra um að kíkja yfir þær með börnunum og hvetja þau til frekari dáða. Við erum svo að fara að undirbúa árs hátíðina sem verður í mars, og von bráðar verðum við farin að huga að næsta vetri, búa til skólalagatal, innrita nemendur, huga að fjölgun kennara því nemendum heldur áfram að fjölga o.s.frv. Nú um mánaðamótin bætist nýr starfsmaður í hópinn. Það er Anna Margrét Helgadóttir sem mun verða í hálfu starfi á bókasafni skólans en það gerir okkur jafnframt kleift að lengja opnunartíma safnsins verulega. Í mars mun svo Anna María Sigurðardóttir hætta störfum hjá okkur, í hennar stað á unglingsstigi hefur verið ráðinn Atli Sveinn Þórarinnsson, en hann hefur störf í byrjun apríl. Við bjóðum nýtt fólk velkomið í hópinn en þökkum Önnu Maríu fyrir gott samstarf. Við minnum á að um miðjan mánuðinn er vetrarfrí, væntanlega kærkomið, og vonandi að sem flestir geti nýtt það til samveru fjölskyldunnar. Það er komin hefð á að skólarnir hér í bænum taki vetrarfrí samtímis dagana eftir öskudag ár hvert og er það nokkuð sem foreldrar ættu að geta stólað á í áætlanum sínum. Með von um dásamlegt líf í febrúar!

Ágúst Jakobsson, skólastjóri

## Upplstrarkeppni

Nemendur 7. bekkjar eru þessar vikurnar að æfa sig í upplestri og miðvikudaginn 27. febrúar verður svo upplestrarhátíð og keppni hjá okkur þar sem valdir verða þrjú fulltrúar skólans til að keppa á Stóru upplestrarkeppni grunnskólanna á Akureyri sem haldin verður í MA þann 6. mars. Foreldrar 7. bekkja og aðrir áhugasamir eru að sjálfsgöðu boðnir velkomnir á upplestrarhátíðina okkar!

## Skólalag - innritun í grunnskóla

Í febrúar stendur yfir innritun í grunnskóla bæjarins fyrir næsta vetur og er umsóknarfrestur til 25. febrúar. Í samræmi við skólalag Akureyrar hafa foreldrar val um skóla fyrir börn sín, í samræmi við ákveðnar viðmiðunarreglur um innritun. Því er mikilvægt að foreldrar kynni sér starfsemi skólanna vel og hvað þeir hafa upp á að bjóða. Til að auðvelda þetta hefur skóladeild tekið saman stutt ágríp um starfsemi skólanna á sérstaka vefsíðu en þar má einnig finna innritunarreglur, rafrænt umsóknarform o.fl. (sjá vefslóð hér fyrir neðan). Auk þess bjóða grunnskólarnir upp á „opið hús“ í febrúarmánuði sem foreldrar eru hvattir til að nýta sér og í Naustaskóla verður það föstudaginn 8. febrúar kl. 9:00-11:00. Rétt er að taka fram að hvert barn á rétt til skólalagöngu í sínum hverfisskóla og er þá miðað við gömlu skólalagshverfin. Naustahverfi er að sjálfsgöðu skólalagverfi Naustaskóla en þar að auki geta börn til heimilis í Innbæ og Teigahverfi litið á Naustaskóla sem sinn hverfisskóla. **Foreldrar barna sem nú þegar eru í grunnskólum bæjarins en sjá fram á flutninga eða hafa í huga að skipta um skóla fyrir börn sín eru minntir á að núna er einmitt rétti tíminn til að innrita þau börn í nýjan skóla fyrir haustið!** Úthlutun kennslustunda og stöðuheimilda til skólanna fer eftir nemendafjölda og því afar áriðandi að réttar skráningar liggi fyrir í lok mánaðarins.... <http://www.akureyri.is/skoladeild/skolaval-2013>



## Námskeið - jákvæður agi

Nú í febrúar og mars verður boðið upp á foreldranámskeið um "Jákvæðan aga". Námskeiðið verður opið foreldrum barna í Naustaskóla, Naustatjörn, Glerárskóla, Hrafnagilsskóla og Krummakoti og kostar 3.500 kr. pr. þátttakanda. Leiðbeinendur verða fjórir starfsmenn skólanna, sem sótt hafa sér réttindi hjá "Positive Discipline Association" í Bandaríkjunum til að halda námskeið af þessu tagi.

Námskeiðið verður haldið í Naustaskóla og mæta þarf í þrjú skipti, þ.e. laugardaginn 23. febrúar kl. 9:00-14:30, þriðjudaginn 5. mars kl. 19:30-21:00 og fimmtudaginn 14. mars kl. 19:30-21:00. Á námskeiðinu verður hugmyndafræði stefnunar miðlað til foreldra og kynntar leiðir til að hagnýta aðferðir jákvæðs aga í uppeldinu heima fyrir, auk þess sem tækifæri gefst fyrir foreldra til að miðla reynslu sinni og skiptast á þekkingu og góðum ráðum. Þeir sem hafa áhuga á að sitja námskeiðið eru beðnir um að skrá sig með skráningarformi sem nálgast má á slóðinni hér á eftir eða í gegnum frétt á heimasíðu skólans. Skráningarfræstur er til 10. febrúar en haft verður samband við þátttakendur með tölvupósti að þeim tíma liðnum. Hámarksfjöldi á námskeiðinu er 25 þátttakendur. <http://www.surveymonkey.com/s/WG2HG7P>

## Ungt fólk - könnun. Forráðamenn nemenda í 5.-10. bekk athugið!

Ágætu foreldrar / forráðamenn,

Dagana 5. til 7. febrúar næstkomandi er fyrirhugað að gera könnun á högum og líðan ungmenna í 5. til 10. bekk grunnskóla á Íslandi. Könnun þessi er sem fyrr unnin að beiðni mennta- og menningarmálaráðuneytisins og er hluti rannsóknaráætlunar til ársins 2016.

Ungt fólk rannsóknaröðin hefur verið unnin á Íslandi allt frá árinu 1992 en samfella í rannsóknum á högum og líðan ungs fólks er þeim sem að málaflöknum starfa afar mikilvæg. Upplýsingar úr rannsóknunum hafa allt frá upphafi verið notaðar við stefnumótun og aðgerðir í málefnum ungs fólks og eru grunnur að vinnu nær allra þeirra sem vinna að því að bæta líf og hagi ungs fólks á Íslandi. Megináherslur rannsókna Ungt fólk eru þær sömu í ár og áður hefur verið og lúta að því að kanna hagi og líðan ungmennanna og félagslega þætti svo sem tengsl við foreldra og vini, íþróttir og tómstundir, félagslíf, líðan, einelti, streitu, mataræði, nám, brottfallsáhættu, félagslega stöðu, svefnvenjur, lestur, tölvunotkun, vimefnaneyslu, framtíðaráform og annað mikilvægt.

Könnunin er nafnlaus og því ekki hægt að rekja neinar upplýsingar til einstaklinga og eru nemendur sérstaklega beðnir að rita hvorki nafn sitt né kennitölu á spurningalistann. Þegar nemendur hafa lokið við að fylla út spurningalista eru þeir beðnir að setja þá í trúnaðarumslag og loka þeim vandlega áður en þeim er safnað saman. Listarnir eru svo sendir greiningaraðilum sem tölvuskra upplýsingarnar án þess að geta með nokkru móti vitað hverjum þær tilheyrja. Öll gögn rannsóknarinnar eru ópersónuleg. Að skráningu lokinni er spurningalistunum eytt.

Með þessu bréfi biðjum við ykkur, kærar foreldrar/forráðamenn, að samþykkja að barn ykkar taki þátt í könnuninni. Berist okkur ekki athugasemd við beiðni þessari gerum við ráð fyrir að slíkt samþykki sé til staðar. Verði þátttaka góð koma upplýsingarnar til með að skila mikilsverðum niðurstöðum, bæði hagnýtum og fræðilegum líkt og fyrri kannanir af þessu tagi hafa gert.

Ef nánari upplýsinga er óskað þá vinsamlega hafið samband við Jón Sigfússon hjá Rannsóknum & greiningu með tölvupósti rannsr@rannsoknir.is eða í síma 599 6431.

Með vinsemd og virðingu  
Starfsfólk Rannsókna & greiningar

## Hæfileikakeppni nemendaráðs

Hin árlega hæfileikakeppni nemendaráðs var haldin fimmtudaginn 24. janúar sl. Þar stigu nemendur í 4.-10. bekk á stökk og létu ljós sín skína við mikinn fögnuð viðstaddra. Það var boðið upp á fjölmörg og fjölbreytt atriði þetta árið og stóðu allir keppendur sig vel, en að lokum var það eins og endranær þannig að aðeins voru veitt verðlaun fyrir þrjú atriði. Í fyrsta sæti varð Guðmundur Tawan í 5. bekk sem sýndi Parkour-æfingar, í öðru sæti varð Sigurður Bogi í 5. bekk en hann söng lag með frumsömdum texta, og í þriðja sæti varð Sunna Björk í 8. bekk með söngatriði. Á myndinni hér til hliðar má sjá verðlaunahafana en fyrir neðan eru allir keppendurnir þetta árið og er það nú aldeilis glæsilegur hópur!



## Aldurstakmörk í sund

Starfsfólk sundlaugarinnar hefur beðið okkur um að minna á það að börnum yngri en 10 ára er óheimill aðgangur að sund- og baðstöðum nema í fylgd með syndum einstaklingi 15 ára eða eldri. Viðkomandi má ekki hafa fleiri en tvö börn með sér, nema um sé að ræða foreldri eða forráðamann barnanna.



## Glæsilegur sigur í Legó-keppninni


Lið Naustaskóla fór með sigur af hólmi í First Lego, tækni- og hönnunarkeppni grunnskólabarna sem fram fór í Háskólabíói 19. janúar. Þetta var í fyrsta skipti sem skólinn tekur þátt í þessari skemmtilegu keppni og sannarlega glæsilegur árangur hjá nemendum okkar sem við erum afar stolt af. Hópur nemenda hafði unnið að verkefnum í haust en það voru að lokum 5 fulltrúar, þeir Almar, Brynjar, Elvar Orri, Júlíus og Magnús, sem héldu til Reykjavíkur í keppnina ásamt Magnúsi kennara sem hefur aðstoðað við undirbúninginn. Keppt var í fimm þrautum sem allar gáfu stig. Í fyrsta lagi þurftu keppendur að smíða vélmenni úr tölvustýrðu Lego sem var forritað til að leysa ákveðna þraut sem sneri að lausnum fyrir eldri borgara, sem var þema keppinnar. Næst þurftu liðin að vinna vísindalega rannsókn sem einnig tengdist þemanu. Í þriðja lagi þurftu liðin að halda ítarlega dagbók um undirbúninginn. Í fjórða lagi fluttu þau frumsamin skemmtiatriði og að lokum þurftu liðin að gera grein fyrir því hvernig þau forrituðu vélmennið sitt. Sigur í keppninni í Reykjavík þýðir að lið skólans hefur unnið sér inn keppnisrétt í Evrópumóti First Lego sem fram fer í Þýskalandi í maí. Til að komast þangað þarf hins vegar að safna töluverðum fjármunum og eru þar öll framlög vel þegin :) Þeim sem geta hugsað sér að leggja eitthvað af mörkum í þeim efnum er bent á að hafa samband við Magnús kennara eða Ágúst skólustjóra. Sjá má umfjöllun á N4 um legoliðið okkar á vefslóðinni:

<http://www.n4.is/tube/file/view/3096/>



## Kynjahlutföll í foreldraviðtölum

Í samræmi við jafnréttisáætlun skólans gerðum við athugun á því í viðtölunum núna eftir áramótin hvernig mætingar foreldra skiptust eftir kynjum. Niðurstöðuna má sjá í myndritinu hér fyrir neðan en það er nokkuð ljóst að í þessum efnum hallar verulega á karlkynið. Feður nemenda við Naustaskóla mega því sannarlega taka þetta til athugunar og væri gaman að sjá breytta mynd næst þegar við athugum þetta mál...!!



## 4. bekk boðið á skíði

Hlíðarfjall og Skíðafélag Akureyrar bjóða nemendum í 4. bekkjum grunnskóla bæjarins á skíði í vetur. Þetta er stórgott boð sem er skólunum og nemendum algjörlega að kostnaðarlausu, boðið er upp á kennslu á skíði og bretti og búnaður lánaður endurgjaldslausum þeim sem þurfa. Okkar fólk fór í fjallið á föstudaginn og vorum við einstaklega heppin með veður þannig að úr varð hinn besti dagur. Það eru nokkrar myndir frá ferðinni á heimasíðunni okkar en við minnum einnig á að þar er að finna ýmsar myndir úr skólastarfinu..



## Ráð mánaðarins - spyrjum til að leita lausna

Að spyrja í stað þess að segja gefur börnum tækifæri til að þróa eigin hugsanir og lausnir. Að spyrja eykur því sjálfstæði barnanna. (Við gerum oft allt of mikið af því að fara beint í að segja hvernig hlutirnir eiga að vera í stað þess að leyfa börnunum að hugsa...)



Dæmi:

- “Hvað þarftu að gera til að vera tilbúin í skólann tímanlega?”
- “Æ, helltist niður!” “Hvað er best að nota til að þurrka þetta upp?”
- “Hvernig getið þið bræður leyst þetta vandamál?”
- “Hvernig er veðrið, hvaða klæðnaður hentar best í dag?”
- “Hvernig ætlaðu að skipuleggja þig þannig að þú náir að ljúka við heimanámið?”



## Naustaskóli við Hólmatún, 600 Akureyri

www.naustaskoli.is - naustaskoli@akureyri.is - Sími 460-4100 - Frístund sími 460-4111

# Febrúar 2013

Sun	Mán	Þri	Mið	Fim	Fös	Lau
	<b>28. janúar</b> Soðinn fiskur, kartöflur, soðnar rófur og smjör	<b>29. janúar</b> Skyr, brauð og álegg  <i>Opið hús 8-10b 19:30-21:30</i>	<b>30. janúar</b> Ofnbakaður fiskur í karryostasósu, salat og hrísgrjón	<b>31. janúar</b> Steiktir kjúklingaleggir, kartöflubátar, salat og tómatedressing	<b>1. febrúar</b> Hakkabuff, kartöflur, salat og lauksósa  <i>Dagur stærðfræðinnar Hundrað daga hátíð hjá 1. bekk 4. bekkur fer á skíði</i>	4.
3.	<b>4.</b> Steiktur fiskur, kartöflur, salat og sósa	<b>5.</b> Kjötbullur í súrsætri sósu, hrísgrjón og salat <i>Opið hús 4-5b 16:00-18:00 Opið hús 8-10b 19:30-21:30</i>	<b>6.</b> Snakkfiskur, kartöflur, rófusalat og dressing  <i>Ball fyrir 5.-7. bekk kl. 17:00-19:00</i>	<b>7.</b> Lambapottrettur, salat og hrísgrjón	<b>8.</b> Kjúklingapasta og salat  <i>Opið hús v/ skólavals 2013 kl. 9:00-11:00</i>	9.
10.	<b>11.</b> Fiskibollur, heit tómatsósa, salat og hrísgrjón  <i>Bolludagur Ball fyrir 1.-5. bekk kl. 17:00-18:30</i>	<b>12.</b> Saltkjöt og baunir <i>Opið hús 8-10b 19:30-21:30  Sprengidagur</i>	<b>13.</b> Öskudagur - vetrarfrí Frístund opin (Pylsa með öllu)	<b>14.</b> Vetrarfrí - Frístund opin (Ofnbakaður fiskur í blaðlaukssósu, kartöflur og salat)	<b>15.</b> Vetrarfrí - Frístund opin (Hrísgrjónagrautur og slátur)	16.
17.	<b>18.</b> Svikinn héri, kartöflur, rauðkál og brún sósa	<b>19.</b> Tómatfiskur, hrísgrjón og salat  <i>Opið hús 8-10b 19:30-21:30</i>	<b>20.</b> Lambasteik, kartöflur, steikt grænmeti og sósa	<b>21.</b> Fiskipottrettur, hrísgrjón og salat	<b>22.</b> Broccolyostasúpa og heimabakað brauð	23.
24.	<b>25.</b> Fiskubúdingur, hrísgrjón, salat og rækjuostasósa	<b>26.</b> Slátur, uppstóf, kartöflur og rófur  <i>Opið hús 8-10b 19:30-21:30</i>	<b>27.</b> Grænmetisbuff, hyðisgrjón, sólskinsdressing og salat  <i>Upplestrarkeppni hjá 7. bekk</i>	<b>28.</b> Soðinn fiskur, kartöflur, grænmeti og lauksmjör	<b>1. mars</b> Starfsdagur Frístund lokað e.h. (Gúllas, kartöflustappa og salat)	2.

**Vetrarfrí verður dagana 13.-15. febrúar, nemendur eiga frí þá daga en Frístund verður opin fyrir nemendur í 1.-4. bekk - ekki þarf að skrá sérstaklega í Frístund þessa daga.**

**Við minnum svo á að föstudagurinn 1. mars er starfsdagur og þá er Frístund lokað eftir hádegi.**